

სრული სასერტიფიკაციო პროგრამა

შესავალი

ბულალტრის სრული სასერტიფიკაციო პროგრამა (შემდგომ - **სასერტიფიკაციო პროგრამა**) შემუშავებულია ბულალტერთა საერთაშორისო ფედერაციის (ბსფ) განათლების სტანდარტების მოთხოვნების გათვალისწინებით, რომელიც პროფესიით დაინტერესებულ პირს საშუალებას აძლევს, მოიპოვოს სერტიფიცირებული ბულალტრის სტატუსი და გახდეს ბსფ-ის წევრი.

სასერტიფიკაციო პროგრამა წარმოადგენს ნაფიც სერტიფიცირებულ ბულალტერთა ასოციაციის (ACCA) პროგრამის ქართულ ენაზე ადაპტირებულ ვარიანტს. სასერტიფიკაციო პროგრამის ფარგლებში მოპოვებული ცოდნა და კომპეტენცია სერტიფიცირებული ბულალტრისათვის გარანტირებული შანსია, გახდეს მოთხოვნადი სპეციალისტი მინიმუმ შემდეგ თანამდებობებზე: მთავარი ბულალტერი, ფინანსური დირექტორი და აუდიტორი.

სასერტიფიკაციო პროგრამა ხელმისაწვდომია ნებისმიერი პროფესიის ადამიანისათვის. იგი არის არაეკონომიკური განათლების მქონე პირებისათვის ახალი პროფესიის დაუფლების საშუალება.

სრული სასერტიფიკაციო პროგრამა მოიცავს პროფესიული სერტიფიცირებისათვის აუცილებელ სასწავლო კურსების ერთობლიობასა და სასერტიფიკაციო გამოცდებს.

სასერტიფიკაციო პროგრამის მიზანი

სასერტიფიკაციო პროგრამის მიზანია:

- ა) სერტიფიცირებული ბულალტრის კარიერით დაინტერესებულ უმაღლესი აკადემიური განათლების მქონე და ბაკალავრის, ან მასთან გათანაბრებულ საფეხურზე სწავლის უფლების მქონე ნებისმიერ პირს შეუქმნას თანაბარი პირობები, პროფესიული დახელოვნების გზით სერტიფიცირებული ბულალტრის სტატუსის მოსაპოვებლად;
- ბ) მუდმივად იყოს ბსფ-ის განათლების სტანდარტებით პროფესიონალი ბულალტრისადმი მოთხოვნილი პროფესიული კომპეტენციების შესაბამისი;
- გ) უზრუნველყოს სერტიფიცირებული ბულალტერი ისეთი ცოდნისა და უნარ-ჩვევების შეძენის შესაძლებლობით, რომელიც დაეხმარება დასაქმებასა და კარიერულ ზრდაში;
- დ) გაამართლოს სერტიფიცირებული ბულალტრის მიმართ საზოგადოების მოლოდინი.

პროგრამაში მონაწილეობა

სასერტიფიკაციო პროგრამაში მონაწილეობა და კანდიდატად დარეგისტრირება შეუძლია პირს, რომელსაც აქვს ბაკალავრის ან მასთან გათანაბრებული აკადემიური ხარისხი, საქართველოში ან უცხოეთში მოპოვებული აქვს ბაკალავრის ან მასთან გათანაბრებულ საფეხურზე სწავლის უფლება ან, რომელიც პროფესიული განათლების V საფეხურის კვალიფიკაციის მფლობელია.

პროგრამაში მონაწილეობის მსურველმა პირადი განცხადების საფუძველზე რეგისტრაცია უნდა გაიაროს ბაფში. რეგისტრირებული პირი იწოდება კანდიდატად, სერტიფიცირებული ბუღალტრის სტატუსის მოპოვებამდე.

სერტიფიცირებული ბუღალტრის სტატუსის მოსაპოვებლად კანდიდატები აბარებენ ბუღალტრული აღრიცხვის, ანგარიშგებისა და აუდიტის ზედამხედველობის სამსახურის (შემდგომ - სამსახური) უფროსის ბრძანებით დამტკიცებული „პროფესიული სერტიფიცირების სტანდარტი“ დადგენილ შემდეგ 5 გამოცდას:

- ა) „ფინანსური აღრიცხვა და ანგარიშგება“ – ფინანსური აღრიცხვა და ანგარიშგება, ფასს სტანდარტების შესაბამისად, კვალიფიკაციის უმაღლეს დონეზე;
- ბ) „აუდიტი“ – აუდიტი, მარწმუნებელი მომსახურება და პროფესიული უნარები, პროფესიული სკეპტიციზმი და პროფესიული განსჯა, ეთიკური პრინციპები, საზოგადოებრივი ინტერესების დაცვის მიმართ ვალდებულება, კვალიფიკაციის უმაღლეს დონეზე;
- გ) „ბიზნესის მართვა და რისკი“ – კორპორაციული მართვა, რისკის მართვა და შიდა კონტროლი, კვალიფიკაციის უმაღლეს დონეზე;
- დ) „ბიზნესსამართალი - ბიზნესის კანონმდებლობა, კვალიფიკაციის საშუალო დონეზე.
- ე) საგადასახადო დაბეგვრა“ – საგადასახადო კანონმდებლობა, კვალიფიკაციის საშუალო დონეზე.

კანდიდატი სასერტიფიკაციო გამოცდისათვის ემზადება ბაფის სასწავლო პროგრამაში მონაწილეობით ან/და სასწავლო პროგრამაში მონაწილეობის გარეშე.

სასწავლო კურსები

პროფესიული სერტიფიცირებისათვის აუცილებელი სასწავლო კურსებია:

1. ფინანსური აღრიცხვა და ანგარიშგება;
2. მმართველობითი აღრიცხვა;
3. აუდიტი და მარწმუნებელი მომსახურება;
4. კორპორაციული მართვა, რისკების მართვა და შიდა კონტროლი;
5. სამეწარმეო და ორგანიზაციული გარემო;
6. ბიზნესის სტრატეგია და მართვა;
7. პროფესიული სკეპტიციზმი და პროფესიული განსჯა;

8. ეთიკური პრინციპები;
9. საზოგადოებრივი ინტერესების დაცვის ვალდებულება;
10. ფინანსური ანალიზი.
11. ბიზნესსამართალი;
12. საგადასახადო დაბეგვრა;
13. ფინანსები და ფინანსური მართვა;
14. ეკონომიქსი;
15. ინფორმაციული ტექნოლოგიები.

სწავლის შინაარსი

პროფესიული სერტიფიცირებისათვის აუცილებელი სასწავლო კურსები სწავლისა და გამოცდების მიზნებისათვის აგრეგირებულია შემდეგ მოდულებად:

1. F1. ბუღალტერი ბიზნესში
2. F2. მენეჯერული აღრიცხვა
3. F3. ფინანსური აღრიცხვა
4. F4. ქართული ბიზნესსამართალი (სასერტიფიკაციო პროგრამის სასწავლო კურსი)
5. F5. საქმიანობის შედეგების მართვა
6. F6. საგადასახადო დაბეგვრა (სასერტიფიკაციო პროგრამის სასწავლო კურსი)
7. F7. ფინანსური ანგარიშგება
8. F8. აუდიტი და მარწმუნებელი მომსახურება
9. F9. ფინანსური მართვა
10. P1. კორპორაციული მართვა, რისკი და ეთიკა (სასერტიფიკაციო პროგრამის კურსი)
11. P2. კორპორაციული ანგარიშგება (სასერტიფიკაციო პროგრამის კურსი)
12. P3. ბიზნესის ანალიზი
13. P4. ფინანსური მართვა (უმადლესი დონე)
14. P7. აუდიტი და მარწმუნებელი მომსახურება (სასერტიფიკაციო პროგრამის კურსი)

სასწავლო კურსების მოდულებად დაყოფა ეფუძნება ნაფიც სერტიფიცირებულ ბუღალტერთა ასოციაციის (ACCA) სასერტიფიკაციო პროგრამას და წარმოადგენს მის ქართულად ადაპტირებულ მოდელს.

კანდიდატების სასწავლო კურსის სწავლებას უზრუნველყოფს ბაფის პროფესიონალ ბუღალტერთა ინსტიტუტი. სწავლება ორგანიზებულია სემესტრულად. სემესტრის ხანგრძლივობაა 17-18 კვირა გამოცდებამდე. მოდულების მიხედვით სწავლების საათების მოცულობა განსაზღვრულია შესაბამის სილაბუსებში. კანდიდატს შეუძლია სემესტრში

აირჩიოს მაქსიმუმ 3 მოდული. კანდიდატები უზრუნველყოფილნი არიან მოდულის შესაბამისი სახელმძღვანელო ლიტერატურით.

ბაფი პერიოდულად გადასინჯავს სასერტიფიკაციო პროგრამების/სასწავლო კურსის ცალკეული მოდულების სილაბუსს და განაახლებს მათ, საკანონმდებლო და სხვა მარეგულირებელ ნორმებში (სტანდარტებში) განხორციელებული ცვლილებების შესაბამისად არაუგვიანეს 3 წელიწადში ერთხელ.

კანდიდატთა შეფასების სისტემა

კანდიდატების შეფასება ეფუძნება სასერტიფიკაციო გამოცდებს და გამომუშავებულ უნარ-ჩვევებს. სასერტიფიკაციო გამოცდით კანდიდატის კომპეტენცია ფასდება 100-ქულიანი სისტემით. გამოცდა ჩაბარებულად ითვლება კანდიდატის მიერ 50 ქულის ან მეტის მიღების შემთხვევაში. კანდიდატის მიერ გამომუშავებული უნარ-ჩვევები დასტურდება აღრიცხვა-ანგარიშგებისა და აუდიტის სფეროში 3-წლიანი პრაქტიკული გამოცდილების დაგროვებით.

სასერტიფიკაციო გამოცდები

კანდიდატის მიერ სასწავლო კურსის დასრულება დასტურდება შესაბამისი გამოცდის ჩაბარებით. სასერტიფიკაციო გამოცდები გულისხმობს კანდიდატის პროფესიული კომპეტენციის შეფასებას.

გამოცდები ტარდება სასწავლო კურსების აგრეგირებული მოდულების მიხედვით. სასწავლო კურსებთან ერთად პროფესიული კომპეტენციის გამოცდაზე მოწმდება ასევე სხვა კომპეტენციის სფეროები. კერძოდ:

1. ზოგადი უნარები;
2. კომუნიკაციის უნარები;
3. პიროვნული უნარები;
4. ორგანიზაციული უნარები.

სასერტიფიკაციო გამოცდები ტარდება წელიწადში ორ საგამოცდო სესიად – ზამთრის (იანვარი) და ზაფხულის (ივნისი) საგამოცდო სესიად.

გამოცდების ორგანიზება ეფუძნება ბაფის სასერტიფიკაციო გამოცდების მომზადებისა და მართვის პოლიტიკასა და პროცედურებს.

გამოცდისგან გათავისუფლება

დასაშვებია კანდიდატის პროფესიული სერტიფიცირებისათვის აუცილებელი სასწავლო კურსების ცალკეული გამოცდისგან გათავისუფლება. კანდიდატის გამოცდისგან განთავისუფლების ინსტრუმენტად გამოიყენება ჩათვლა.

შესაძლებელია კანდიდატს ჩათვალოს პროფესიული კომპეტენციის გამოცდაზე შესამოწმებელი შემდეგი სასწავლო კურსები:

- ა) ფინანსური აღრიცხვა და ანგარიშგება;
- ბ) მმართველობითი აღრიცხვა;
- გ) აუდიტი და მარწმუნებელი მომსახურება;
- დ) კორპორაციული მართვა, რისკების მართვა და შიდა კონტროლი;
- ე) სამეწარმეო და ორგანიზაციული გარემო;
- ვ) ბიზნესის სტრატეგია და მართვა;
- ზ) პროფესიული სკეპტიციზმი და პროფესიული განსჯა;
- თ) ეთიკური პრინციპები;
- ი) საზოგადოებრივი ინტერესების დაცვის ვალდებულება;
- კ) ფინანსური ანალიზი;
- ლ) ბიზნესსამართალი;
- მ) საგადასახადო დაბეგვრა;
- ნ) ფინანსები და ფინანსური მართვა;
- ო) ეკონომიქსი;
- პ) ინფორმაციული ტექნოლოგიები.

ზემოთ ჩამოთვლილ სასწავლო კურსებში ჩათვლის მიღების უფლება აქვთ იმ პირებს, რომელთაც უმაღლესი განათლება მიღებული აქვთ ბიზნესის ადმინისტრირების მიმართულებებით – ბუღალტრული აღრიცხვა, მენეჯმენტი, ფინანსები და სოციალური მიმართულებით ეკონომიკის დარგში და კვალიფიკაცია მინიჭებული აქვთ:

1. 2005 წლის ჩათვლით. ასეთი კანდიდატები გამოცდაზე დაიშვებიან მხოლოდ 2021 წლამდე უმაღლესი განათლების დამადასტურებელი დიპლომის საფუძველზე.
2. 2005 წლის შემდეგ, მაგრამ არაუგვიანეს 2019 წლის პირველი იანვრისა. ასეთი კანდიდატების სასერტიფიკაციო გამოცდებზე დაშვება მოხდება დაშვებისათვის გათვალისწინებული სასწავლო კურსის/საგნის ჩათვლის საფუძველზე, რომელიც განხორციელდება დიპლომის დანართში ასახული ჩათვლილი/ჩაბარებული სასწავლო კურსის/საგნის შესაბამისად.
3. 2019 წლის პირველი იანვრის შემდეგ. ასეთი კანდიდატების სასერტიფიკაციო გამოცდებზე დაშვება მოხდება დაშვებისათვის გათვალისწინებული სასწავლო კურსის/საგნის ჩათვლის საფუძველზე, რომელიც განხორციელდება ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ აღიარებული, საგანმანათლებლო საქმიანობის განმახორციელებელი პირის ცალკეული დისციპლინების (საგნების) ფარგლებში სწავლის შედეგების მიხედვით, საათების მინიმალური მოცულობის გათვალისწინებით.

საგანმანათლებლო საქმიანობის განმახორციელებელი პირის დისციპლინების (საგნის) ჩათვლა ხორციელდება სამსახურის მიერ აღიარებული, საგანმანათლებლო საქმიანობის განმახორციელებელი პირის ცალკეული დისციპლინების (საგნების) ფარგლებში სწავლის შედეგების მიხედვით, საათების მინიმალური მოცულობის გათვალისწინებით.

ბაფის სასწავლო კურსის ჩათვლა ხორციელდება სასწავლო კურსის სწავლის შედეგების მიხედვით, რომელიც უნდა შეადგენდეს მინიმუმ 70 საათს. ჩათვლების მიღებისათვის პირი მიმართავს ბაფის განათლების კომიტეტს და წარუდგენს შესაბამის დოკუმენტებს.

პირი უფლებამოსილია ჩაითვალოს უცხოეთში საგანმანათლებლო დაწესებულებებში დასრულებული საგნი/სასწავლო კურსი, სამსახურის მიერ გაცემული ნებართვის საფუძველზე. კანდიდატისათვის სასწავლო კურსის ჩათვლა მოიცავს ასევე შესაბამისი გამოცდისაგან გათავისუფლებას.

სერტიფიკატი

სრული სასერტიფიკაციო პროგრამის დასრულებისა და სათანადო უნარ-ჩვევების დადასტურების შედეგად კანდიდატს ენიჭება სერტიფიცირებული ბუღალტრის სტატუსი. ამ სტატუსის დამადასტურებლად ბაფი სერტიფიცირებულ ბუღალტერს გადასცემს პროფესიონალი ბუღალტრის სერტიფიკატს.

სერტიფიკატი უნდა მოიცავდეს შემდეგ ინფორმაციას:

- ა) სახელი, გვარი;
- ბ) პირადი ნომერი;
- გ) სერტიფიკატის გამცემი პირის ლოგო;
- დ) სერტიფიკატის ნომერი;
- ე) სერტიფიკატის გაცემის თარიღი;
- ვ) ბაფის სრული სახელწოდება და საინდენტიფიკაციო ნომერი, დამოწმებული უფლებამოსილი პირის ხელმოწერითა და ბეჭდით

ინფორმაცია საკუთრებაში/მფლობელობაში არსებული სასერტიფიკაციო პროგრამის შესაბამისი ლიტერატურის შესახებ

ბაფი სასერტიფიკაციო პროგრამაში იყენებს ძირითად და დამხმარე ლიტერატურას. ძირითად ლიტერატურად ბაფს თარგმნილი აქვს ACCA-ს სახელმძღვანელოები და საგამოცდო მასალები და ასევე შემუშავებული აქვს ქართული ბიზნესსამართლის სახელმძღვანელო და პრაქტიკული სავარჯიშოები.

ბაფს მოპოვებული აქვს ორი გამომცემლობიდან (Kaplan Publishing UK და BPP Learning Media ან ACCA Approved Content Provider) უფლება ACCA-ს მოდულების თარგმანზე, პერიოდულად აახლებს თარგმანის უფლებას და გამოსცემს განახლებულ ლიტერატურას.

ბაფში შემუშავებული ლიტერატურა

ბაფს შემუშავებული აქვს ქართული ბიზნესსამართლის სახელმძღვანელო (F4) და პრაქტიკული სავარჯიშოები. პერიოდულად ხდება მათი განახლება.

ქართული ბიზნესსამართალი (F4) – სახელმძღვანელო და პრაქტიკული სავარჯიშოები – ავტორები: ზურაბ ჭეჭელაშვილი, თეიმურაზ ინაშვილი – *ხელმისაწვდომია ბაფის ვებგვერდზე* – gfpa.ge/ბაფის შესახებ/ გამოცემები/ სახელმძღვანელოები/ ქართული ბიზნესსამართალი F4

(მეოთხე გადამუშავებული გამოცემა 2018 წლის 1 იანვრის მდგომარეობით).

სასწავლო პროგრამის მოცულობა

პროგრამა სრულად მოიცავს ბუღალტრული აღრიცხვის, ანგარიშგებისა და აუდიტის ზედამხედველობის სამსახურის უფროსის მიერ დამტკიცებული „პროფესიული სერტიფიცირების სტანდარტით“ გათვალისწინებულ პროფესიული კომპეტენციის გამოცდაზე შესამოწმებელ სასწავლო კურსებს, რომლებიც აგრეგირებულია შემდეგ მოდულებში:

1. F1. ბუღალტერი ბიზნესში
2. F2. მენეჯერული აღრიცხვა
3. F3. ფინანსური აღრიცხვა
4. F4. ქართული ბიზნესსამართალი
5. F5. საქმიანობის შედეგების მართვა
6. F6. საგადასახადო დაბეგვრა
7. F7. ფინანსური ანგარიშგება
8. F8. აუდიტი და მარწმუნებელი მომსახურება
9. F9. ფინანსური მართვა
10. P1. კორპორაციული მართვა, რისკი და ეთიკა
11. P2. კორპორაციული ანგარიშგება
12. P3. ბიზნესის ანალიზი
13. P4. ფინანსური მართვა
14. P7. აუდიტი და მარწმუნებელი მომსახურება